

擇

石

齋

持

集

韓石齋詩集卷第四十二

秀水

平陽

馬頭今日是清明
蝴蝶團飛早向城
稽古帝堯勳獨至
惟天爲大又何名
藐姑未必神人住
蒼韻翻愁鳥跡生
遷史紛然如衛霍
那無娘子一軍行

清明夜史村

驛騎數上聲春節
村花忘老顏
汾東十三社
月晦太平關
紅蠟高如許
黃河近幾灣
未應紛古意
政不夢家山

曲沃

曲沃強于晉
成師賂入周
驪姬殺太子
重耳得諸侯
地險新田錯案坑之險天下九塞之一
山圍二水流背汾而洛
曾無無父國
乃亦見春秋

聞喜二賢詩

裴文忠公

虞官伯益後漢封菑鄉云從衣乃除邑東眷代有聞輔唐晉
公鉅平蔡元和勳非惟平蔡勳安危天下身君子本不黨嘗
敗於小人泰交勿之睽大來安得屯干木處魏邦諸侯息紛
紜汲黯在朝廷淮南寢遼巡頗牧苟不用何必非孝文公誠
出入屢四朝艱以純擅威方閣賢綠野持孤尊北門雖卧護
焉能復經綸方其請督戰誓不與賊存庶乎郭汾陽秉德維
忠勤

趙忠簡公

天心莫可憑運屯亦登賢用之輒不竟虛生有煩冤維時渡
江初頗嘗用其言肅宗得李勉實見朝廷俯紹述祖安石醜

成今日患首罷安石配吾道乃大存經營始西蜀關中圖本
根荊襄可進取行闕宜公安雖知用卿力卹弗終君恩救浚
再忤檜一出膺多艱餘生白首遠九死丹心陳山河壯其氣
箕尾歸于天裴鄉接趙里樹接仍枝連春風兩家樹春樹一
墟烟故知裴趙先皆出伯益孫羸秦與趙宋功烈猶同原
僕馬

僕馬復僕馬我心聊自閒行來絳縣水望見中條山嗟嗟雞
聲午垂垂柳色寒近城忽蕭鼓賽社未曾還

上巳樊橋驛有懷朱學使筠閣中

麥苗菜花雜黃隴綠畦繁上巳日催騎中條山映村伊州麾
短拍汾水謝深尊禊事城南侶遙應品壑源

將渡河入關承祭
西岳預日齋祓

村花

村村官柳著烟新
樹樹村花夾路春
半日中條山色裏
白頭騎馬是遊人

蒲州

縹緲薰風何處尋
汾陰后土亦荒哉
維南太華三峰倚
自北黃河九曲來
鸛雀樓高春幾劫
王官谷靜瀑如雷
蒲州合爲潼關守
犄角方成用險才

首陽山

首陽卽雷首
我行自河東
相望華岳北
實在河曲中
以暴不知非
此都讓德崇
偕登餓其下
廟火春猶紅
商郊彼鷹揚
歸來跡則同
徒聞稱義士
豈不慚于衷
伯清叔亦仁
元祖卽以公
雷首卽中條
曠然百世風

潼關

羸劉函谷兩無何改設唐年理則那縱仗兵家籌鬚難憑
關勢壓嵯峨手障全陝通西蜀目瞰中原阻大河勝敗英雄
同一險蒼蒼在德不爭多

明孫傳庭之失守
與唐哥舒翰同

華陰

入關紫氣藹高晴龍靈雙雙

御仗行

天子萬年文敬告春風三月道歡迎地祇山水由尊肇軒帝
壇場暨後廢仰觀華峰真削出崑崙初拔勢崢嶸

西岳廟登樓望岳

晨入岳廟習禮專代將牲帛惟其虔詔修靈宮聖未旣

漢

嘉八年西嶽華山
廟碑宮曰集靈

層樓翼鳳高翔然三峰屏立照几案四方削成

凝翠烟畫圖王履不具體豈若橫放樓之前太極巍居擅白

帝五行配德開金天船司空趨玉漿落司寇冠整明星連尹
嘉真符故宅守希夷石洞先生眠歐記題名凡幾百幢懸編
仄苔花邊無輕攬結五千仞已後飛騰二十年山人來縣
城去一日上下南峰顛南峰最高

皇釐三多岳稽首降香詰旦昭蓀全周槐商柏徧嘉蔭題石

何讓顏程先

廟有商柏抱周槐于腹大可三十圍其漢柏唐槐至多唐元宗碑為黃巢焚推巨石半摧顏立僅存四字之半顏真卿題名于

漢碑側宋程琳葉清臣題名八角石幢致佳

玉泉院

初日出華陰十里鋪春田峰頭瀉玉漿谷口匯碧泉墜驢人
已去睡洞泉方濺無憂七株樹手植知何年蓀亭立泉上四
株覆亭前我本無所憂坐對亭適然近泉元祐字灑墨大石
鐫東厓秦柏翠葉嫩柯交纏量之數十圍實在無憂先盤陀

設苦茗豈不如癯仙

陝西鹽運副使游師雄元祐九年正月廿二日親太華三峰大字刻大石上

登華山至青柯坪望千尺幢

自觀王履圖五岳此粗悉清霄綠霧歛三峰純石一石縫土
積塵居然草織苗如是七千丈四方周律翠希夷崖又蛻初
平谷旣叱垂鎖下上攀輕於船挽絳娑羅卽菩提獨立意欸
密青柯館深造十八盤險出青鐵削西峰山半衆非匹壁懸
野生桃左右矯風日孤幢儼以招雙屐不余尼悒悒玉井蓮
修莖颭芳苾

郭忠武王祠

喬林大道古城東祠屋巍然塑令公唐室山河憑再造建陵
松柏表元功門前華岳流雲碧檐北潼關返照紅太息百年
無尙父宦官藩鎮竟相終

寇忠愍公祠

功業汾陽只等閒
嗟公憂國髣雙斑
君恩鬱鬱通天帶
里社青青少華山
魏野有詩傳北使
竹林遺廟向人間
靖康若主澶淵策
何至蒙塵遂不還

華州食筍

華山百村遠敷水
一春深馬首半梨樹
州南多竹林筍香聞
驛舍茶事趣歸心
漱上讀書處蕭蕭橫卷森

蒲城

唐之奉先縣城徙里不更洛水左潞洄神原右崢嶸
巖巖擁其後園寢唐是營盤翥比龍鳳樓殿遺枯荆橋陵金幟山聳
若懸旆旌德讓曰惠陵元宗實惟兄泰陵金粟堆初願千秋
成陪葬高力士無及一娥姪景陵春草綠豐山朝旭明尙傳

開寶修未泐趙孚銘元和中興主所以龍章行石人整冠佩
石馬騰轡纓三朝遡哀冊頌縉楚則名睿宗哀冊文蘇頌撰元宗哀冊文王綰撰憲宗哀冊文令
振邈迤近光陵前有重山橫寒烟五陵曳碧落羣峰撐長安
久禾黍愴嘆非周京

富平

夏后荆山鼎秦家鄭國渠迢迢遡西北曖曖入村墟麥縷中
谿澗梨香萬密疎華原來杜甫值水定何如北印羅州工部詩我經華原來是也翁句
川氣黃羣流會空曲度今沮漆合流大谿澗處

晚次耀州

殺翎城西日下春范公書院客相從曲池短釣萍初合新筍
空階蘚半封簷掃蜘蛛憐獨結欄扶芍藥咒遲穠待人翟道
廻鞭近破戒何妨勸玉鍾

同官

華原草相綠幽土近于東澗谷好今日盤旋娛此翁桃花初帶雨漆樹遠含風遺烈聞姜女崩城話却同

金鎖關

銅官山夾水獨流兩成嶮去金同是稱據險城惟舊曉霽風色厲氣寒花信逗路隨崖數盤人與地俱瘦土門出以遙金鎖扼其腴重山廻合阻神水峽奔溜壁開實峰闔拒左仍塞右在明嘉靖年築設防套寇承平武備嚴依柳列雙堠邊塞極榆林襟喉此駕輦度關山轉幽穿隘石多秀征人詫園林造物耽架構橫斜石陂對屈曲石泉激高凌皴法奇疊起雲根皺臺石俯石池徑石窺石竇奈何叢石蕪上下雜花糅野桃必長石石石爲之繡更前巖益蒼欲采萼難就甚宜適行

遊山可煩戰鬪趨口少見舒環周無隙漏折北乃磴磴匆匆
劃華陬

宜君晚雪

曾是苻堅郡莽然環慶鄰山高行未已風急渺相親彭祖墓
雲碧玉華宮草春花時今夜雪關外白頭人

橋山篇

皇古君相皆神人神人之道無不有但施神力葬神山只在
人寰元不朽子午嶺北西山連亘千餘里延慶間華蓋峰東
下乃峽峽石如橋左右穿橋南起山名所自山體如岳純無
頑羣山雙分左右肩四周平頂圍如環重山內向石疊趾正
對玉案橫蒼灣橋山三面灣緣延重山三面灣盤旋沮水石
肩落于灣山南鈎曲東弓彎豈知早入峽橋出左抱逆會東

來湍左肩落水再東抱合流入洛廻長川橋山無石翠阜巔
阜前廣衍平如原元宮中央土冢起南偏土臺百尺攀山上
疊山山翠柏更前土臺稍東偏西坳置縣若守冢城在山內
灣猶寬風昌宇朗數百里靈棲宅寧半萬年帝繼義農三聖
作化闢陰陽萬生先宮室衣裳器用備甲子書契伶倫宣師
兵榮衛厥赫赫得姓十四今縣縣神道設教聖所以聖所不
語神無傳帝生十二始在位百年而崩葬橋山且戰且仙紛
世俗鑄鼎鑄鏡難更僕有之于神復何奇無之于聖非不足
老君汝祖尊太上元女道家托符籙帝生坊州近鄉里相度
羣臣寶藏此皇古神人皆聖人自古聖人無不死羣山環拱
此神山一水循環此神水衣冠之葬誰謂然漢皇臨祭方求
仙東封西祀仙必得自爾不死當昇天區中靈域緬無二稽

首敬賦橋山篇

回自中部至宜君

軒后廟庭柏翠陰皇古年踟躕人已送
躑躅馬休鞭短樹山頭縣長城塞上天
雖經米脂賊長養自炊烟

黃帝廟中古柏十餘其一圍可三丈柯葉

交茂風傳黃帝時物

宿金鎖關

百里兩崖壁幽花春二三高看時倒影
晚度已重嵐戍冷迎官住泉鳴引夢耽
山郵足深致我僕也能談

山驛

山驛東風暖復寒使旌二月出長安
蕭蕭金鎖關南返艷艷丁香樹子看
身被恩光行更遠老知春事得尤難

七旬

萬壽敷天慶巖谷幽姿總笑歡

題耀州紫藤花

翟道歸來問牡丹小橋流水足盤桓山城是月猶飄雪穀雨
今朝未放寒狂蔓紛垂寶瓔珞畫檐低覆曲闌干
綉絲儘伴天涯客著處丁寧欲別難

唐朱里

秦縣池陽谷唐陵白鹿原馬飢頻斃草鴉倦亦歸村客豈張
司業居非李氏園紫荊花下石綠映一叢萱

涇陽

長陵東以迤白水北其隈小市喧喧出石橋荒墟寂寂回勳名
故物記戰鬪赫連臺瓠口春流駛咸陽落照開

渡涇

昔人事業總蒿萊
秦地興亡觸目哀
一夕嵯峨山下夢
曉風燈火渡涇來

渡渭

長陵突兀畢原通
渭水無情日向東
東內花開西內落
花飛南內見唐宮

霸陵

霸陵不治墳陵號
就水爲峰起土無
石霸流環自回古
柏大數株其一數
十園陵戶亦種麥
高下成青陂瓦器
戒無飾民力省不
疲合葬竇太后神
靈長在茲南山拓
下苑碧落明丹曦
翩來鳳凰嘴白鹿
原逶迤南陵薄太
后近在陵西涯于
東望吾子靜夜神
靈怡

杜陵

帝在民間時好作鄠杜遊元年杜東原治陵良有由正方六十畝據原原四周守陵多貴族陪葬數十邱東園王皇后同陵近東陬許后實先崩小陵杜南頭是曰少陵原相隔中青疇杜陵旣萬歲少陵亦千秋麥苗遶原縟花樹映麥稠村低午雞靜鎮小炊烟浮遂令唐杜甫陵後家居幽野老稱杜陵少陵號長留

興善寺牡丹

今朝真是到城南特地開皇叩佛龕葉綠苞紅催宿雨松邊柏下現優曇不離富貴高原五別有闌干好月三愁絕匆匆勸杯酒舊人奚取值何哉

樂遊原

望望城南與杜中高原漠漠曉濛濛寧申岐薛亭臺里車馬

衣裳士女風朱雀街穿池水綠紫雲樓倚杏花紅情知不及
深盃醉帽影鞭絲雁塔東

慈恩寺登塔

暮春寺裏遊牡丹院後香遂觀諸題名塔門石兩牆緣梯佛
相靜倚檻朝暉昌白髮百年少青天千里長南山衡嶽翠渭
水北湯湯貫都象天漢何許秦咸陽金人旣十二木蘭復阿
房漢家司馬門長樂連未央其間樛里墓此際槐陰蒼漠漠
六坡隋鬱鬱三內唐杜國今杜曲周邦昔周王鎬京始豐廟
江漢被汝旁商詩作周風浩衍和氣翔後來稱唐太猶尙嬾
成康生民有治亂聖智難備防東遷豈無那委秦以舊疆乃
包函谷關乃收六國強生民自茲慘山水如相忘八川湊潞
潞兩戒分茫茫欲下少陵原東風吹我裳

韋曲

村口問村名答云此韋曲藹然唐世人昔者城南俗鴻固原
何高皇子陂相屬西爲第五橋南有樊川綠朱門皇后家別
業逍遙躡午煙桃塢殘宿雨麥畦縛藤枝石角稀亂水垂楊
足居非韓鄭隣土似塔坡沃杜曲猶在東春行莫能局

牛頭寺

韋曲東復東水來自樊川汙汙引清溝活活分平田蹊蹠動
蔭坡馬嬉不復鞭遂上牛頭寺南見神禾原樊川在南下支
流過坡前望望杏花坪漠漠飭簫天坡東祠少陵寺建由貞
元仿蜀牛頭山如客鄴縣年高窗啜茗坐老僧爲我言原仍
鴻固舊曲與杜陵連我昨霸陵回實行下杜間南杜水長草
北杜花明烟鮑陂迤西處朱陂牧之篇老嬾且深憩靜對終

南山

尋曲江已無水江之西杏園亦莫知其處

廣陵江幾曲龍華尼寺南已過中元節纔當上巳三學士綵
舟動教坊繁吹酣玉樓金殿影向晚波光涵杏園榜下宴曲
江亭子占金輿亦臨觀玉面皆垂簾杏花風是杏探花使誰
探開元天寶春駿馬園頭快女郎舊時折爲水何人請岸西
東不見細草還纖纖鄭谷曲江紅杏句女郎折得殷勤看道是春風及第
花李山甫曲江句一種是春長富貴大都爲水也風
流白居易曲江
句細草岸西東

宣陽坊

繡嶺東西總不凡
草家燕子尙呢喃
主人欲問從容甚
步輦黃羅曳帔衫

畢原篇

畢原西可三百里南涇北渭兩水夾東注臨潼口始交九巘
麓趨原廣狹王季都之封畢公文王葬畢西于豐上祭于畢
太子發成王元年武王之葬同原今咸陽縣北中維原高平
靈氣充文明之象魏元宮文王前武王後康王左成王右四
陵密邇十里間原無一石土隆阜文陵左可二百餘步乃葬
周太師留爲太師死葬茲又左周公冢稍大必葬成周公心
不敢成王離王亦讓公葬于畢以從文王小子不敢臣公敬
且悲伯禽墓亦後公墓如文武陵協孝慈公墓模木已無枝
公墓如文生草著文陵頂平極方大武陵頂起圓其外成康
陵衡坦適均背涇面渭春陽藹鳴呼橋山天造神力乘畢原
地脉天心憑原之東下漢長陵原之餘氣猶烝騰維九巘來
崆峒涇出崆峒渭出鳥鼠兩水夾原以趨東畢原萬古天穹

隆

唐昭陵

維崆峒趨九嶠渭前涇後交流于臨潼九嶠裁薛漢所賦唐

營昭陵山嶽固

固同山嶽山陵使關立德奏語

鑿山南面元宮深懸絕百仞高嶽

峯不藏金玉一棺足無累愆息奸盜心况當文德訣薄葬帝

章揭陵信可欽奈何埏道下見語蘭亭玉匣紛傳今功臣密

戚蒙賜地如漢陪陵給秘器熙寧耕種麥青青百六十冢湮

無次

三月廿五日承李勣李靖薛收許洛仁家與碑而高士廉碑存家已無

祭禮畢勿勿于陵南外見房喬魏徵

當年石馬汗

流君長諸番列十四六駿圖移石不全陵陰石室空存記狄

梁公墓乾州村奉天乾陵高出雲不解華原鎮將甫投谷何

以風雨奔騰朱雀門

乾州

梁山今日見昔者古公踰王業端其肇仁人衆所趨雲青陵
闕石雨綠驛亭燕一詔匡危祚忠州竄跡孤

武功

周室有邵女姜嫄復太姜雍原若山因漆水自流長唐氏興
還此蘇家盛孰方平林與隘巷西潁至岐陽

班蘭臺令史墓

好時連鄴時春殘遍綠燕石蹲半虎四冢起斧堂孤司馬揚
雄後龍門太史殊公家擅閨彥著作古曾無

馬新息侯祠

祠扉畫閉長蒿蓬鬚髮端居嬰鏃翁馬革裹屍非誕節城西
曩葬有膚公雲臺將相多顏色聚米山川少目中班馬徙家
兼耿魯馬家香火尙扶風

岐山

南有周原廣岐山是北山吁嗟遷洛後豐鎬賜秦還鳴鳥家
誠瑞戡黎歲亦艱如何斜谷口空對落星灣

鳳翔道中

子規聲急喚行人官柳絲長拂路塵鼎鼎百年空復老堂堂
三月奈何春杜陽雲氣懷天柱漢時風光別渭津踏遍西平
原上草夜來婪尾酒邊身

寶雞

神至必雉雉夜星流自東漢方祠五時秦實霸西戎渺與堊
原別艱將雲棧通不知誰賣酒柳外市樓紅

白石齋詩集卷第四十二

擇石齋詩集卷第四十三

秀水 錢 載 坤一

登西鎮吳山

五峯天挺秀

康熙四十二年
賜宸翰曰五峯挺秀

一水汧流佳

一水河發望華峰左旋入
渭即汧水之一支其一出

岍東西徑屢進前後屏雙排前屏土膚漸後屏石骨皆石即

五峯插秀傑高其儕鎮西中立小肅穆四峯諸大賢左拱歸

靈應右拔擢南臨會仙儼北顧望輦偕各攜小峯侍中立獨

如齋森森邃投谷仄仄危緣崖千尺巖垂露一繩雨滴階

大巖若半屋其腹門橫高雨淋不到處粉書晴巖飛雨四大字萬歷
二年三月江南吳同春蓋巖上石溜水懸繩千尺及半濛濛若飛雨古根徧楓

櫟茂葉連柏槐峯峯紫白花層層綠聲響惜不及霜曉喜猶

過春霾出險驚白髮升空破青鞵靈湫絕壁下呀豁門常闕

石上字半蝕樹陰眼頻揩靈應峰前壁千仞極高處大字刻吳嶽鎮西成
德王法又嶽鎮龍湫四大象字明陳渠甫又極

高片石灰處橫刻金天靜測龍所宮膏枯非磔蛙舊祠守者去叵奈

夜虎豺昨夜有虎至山下館後遂置仙人礪甘輪樵子柴終南壩篋儼太華

項背揆職方秩于鎮牢醴虔不乖山外山周環山內山旋蝸

吳山關隴跨李令雲嵐懷唐興元于公異吳嶽祠堂記云紫雲拊嵐以屆于祠下為李晟有感于神上請褒異詔使中使

孟希价持竿賜神錦袍金帶夫人花冠等山鎮之秩次于方岳而作碑今在廟左檐下茲歲降

御香嵩呼慶靡涯

入益門鎮至玉女祠

渭水渡不遠隘口哆短山碓聲屋兩三雨氣嵐孱顏舊城略

不見元末李思齊築高天渺思攀西南翠蒙密秦嶺東險艱姜水瀉其

陰趨渭紆淪瀾斜壁削入底卷濤擁成慳後波駕前波是為

軍陽灣巨石欲阻行棧始磴屈盤巨巖疊疊起秀樾梢梢攢

雙崖夾一路是為二里關關前老路廢新路木欄杆折下復

折上巨壑鳴幽瀑樹綠到峯頂峯攢交綠灣灣中水與人迎
送心相閒十里迴澗道千峯插雲端破絮纏列屏白龍戲奔
湍

半坡觀瀑布上煎茶坪

姜水遶嶺東棧路行水西南乃姜水別上上高復低忽見匹
練飛翠壁雙削齊于中劈飛下窈如雪色霓東經雲蓋寺半
坡適初躋匡廬之絕觀不謂在寶雞遂上煎茶坪乾坤錯端
倪瑤峯盡嘉樹翠壑多芳蕙平石疊坡濕絲雨零霧淒清深
四蒼蔚旋折一階梯花葉隨左右園林欲取攜下坪疎如秋
維草轉萋萋千樹亦蒼身千石亦烟蹊伊誰設赭色疎密邀
分題

過凍河至黃牛堡

南橋接北橋兩道河淙淙別爾濫觴處去爲嘉陵江橋南草
如毯草上峯如幢始憐煎茶頃勝絕不可雙龍溝迅流駭石
窰奔渠慢後灘擁前灘捲濤復驚瀧峯根石阻束振落氣未
降水急使馬遲越川屢趨杠宋人廢壁壘黃犢勤耕糴雜采
坪上花供之拓晚窓

曉趨草涼驛

嘉陵江未見凍河水猶隨相送莫相別我行鳳縣之白雲出
山澹春露被草滋土礪緣始仄偏橋接如夷乃下長橋鋪鋪
舍方晨炊仰巖危欲落對壁削若垂羣峯壓影碧亂水交聲
時踈踈林轉塢蟲蟲峯圍涯峯前路去有塢後水來知乃出
紅花鋪天曠明奔曦闌干朽逾峻人馬歇已飢望望草涼樓
小店飄青旗

晚次鳳縣

棧行甫取左右棧殊未知巖崖就跟趾盤折依高卑石礧鑿
難廣土礧崩易欹偏橋力補缺插脚憑可支其對峰互逐其
俯水逼馳寧須必平坦實亦無險巇棧方大略得馬仍小心
爲石門關窮劣柳樹灣逶迤西岐在鳳翔鳳縣曰南岐鸞鷟
旣鳴後翔翔會集斯日落遯跡山不與張果期沄沄故道水
渺渺嘉陵涯

逢林觀察偶

不謂事兵間書生竟爾嫺辭京十餘稔宦蜀萬重山驛並小
江曲城臨新月彎同悲堯州守莫肯眎塵顏

歲卒
于官

鳳嶺

出郭上高岡登登幾百步却望後山雲迭見來時路路平盤
乃勝山大折成趣水石蒼秀間人家兩三處嶺半起數峰峰
身擁千樹天曠忘所娛意行馬非駐峰坳夏綠鼓鳥聲不知
數峰上復層峰峰肩徑乃度其陽列翠屏屏麓深猶沍梨花
白有雪菜花黃不霧惜哉林何焚居者穡是務鋤爲種麥坡
楓櫟弗之顧古路仍左盤嶺盤壑斯赴密陰棧闌干曲曲偏
橋護峰圍樹皆僊日篩水相注乃入心紅峽澗夾青壁互壁
修衆葉垂淵竊疊泉吐檀欒丁香麤下上畫眉嚟設無白雲
眠遂欲流水住暖然鳳嶺經愁語昔人誤

宿南星

近在連雲寺郵亭得數間前來野牟水後擁廢邱關有夢成
無夢千山隔萬山老人隨所遇城遠濁醪慳

柴關嶺

綠樹兩峰間四十里不斷寒猶立夏後氣不侵晨散歷高漸
漸危轉曲層層緩千樹澗谷深萬樹岡巒滿并爲大嶺陰日
照勢無煖昔云虎之藪中或熊所館孤亭連理枝小歇極情
歛柴關以樹勝霜候他山罕丹黃楓櫟交再過肯成嬾踰嶺
戍旗翻一松翠無伴嶺後八里長嶺前七里短

紫柏山下留侯祠

祠屋近柴關高峰四面環猶傳赤松子相望定軍山事業興
衰際英雄氣數間洞門七十二惟有洩雲還

次留垣遇沈太守清任

褒谷停驂晚濤牋出袖新論兵諸險劇挈子一官貧京洛尊
前夜湖山夢裏春還朝定相待有幾白頭人

畫眉關

山盤水曲闌干橫土石高高鑿口行後水轉為前水出左山
趨與右山迎錢塘天竺寺遙辨鳳縣心紅峽近爭千里綠陰
春乍老畫眉關外畫眉聲

觀音廟

連山根抱黑江馳憑仗中丞不險巖百尺高崖題字徧就中

一首蔚州詩

崖刻西南蜀道古驛萬折峽巖一炬空謾向雍梁誇勝蹟千
秋國史紀神功康熙壬子秋聞棧道削平大司馬賈公之功也

賦以紀之古蔚魏象樞蓋曲沃賈漢復
撫蜀時燬石闕開王礪路易名觀音

諸葛忠武侯廟

入蜀先欽諸葛君後於三代感斯文仁為己任驅馳許業不
偏安涕泣云沔上自多庭柏撫楹間如有石琴聞傳家澹泊
終寧靜矯首南陽悵白雲

石梁一無絃扣之其聲清越以長傳是侯所御
者今設廟之前楹琢石為馬蒼潤亦數百年物

渡漢江至定軍山謁諸葛忠武侯墓

定軍山下戰破魏黃侯忠沔陽受璽綬先主王漢中山可容

萬軍祇今林一叢瞻林黃岡大卽地綠草豐

水經注云因卽地勢不起墳壘今墓舊傳

後漢巨樸參重霄長根護幽宮庭桂夾垣竹古柏相蒙籠登岡

望千里左右峰立空天心宅斯人山水忘其功優劣比伊呂

莘野堯舜風三顧若三聘南陽耕且躬誰懷甲子志事豈鷹

揚同後車老匹夫慎勿以儼公縣官寒食祭百姓雞酒供徘徊

徊桂柏蔭髮鬢艱難衷陣圖鼓聲出兵書石匣紅墓門漢江

南祠堂沔縣東

寧羗

莽莽武都郡陵萌南復西磨刀隔荒壘浣石向廻谿路有青
桐樹山無白馬氏龍門信幽邃不及宋賢題

列堠

列堠煩迎送孤襟忘險夷
千山隨馬足一路採花枝
白髮巴人見青羗漢使知
修名如可踐努力未云遲

連日采山路黃紫翠花中
多紅薔今日乃得白薔
蠶叢春好過春蠶人老
今年七十三記取朝天關
下路紅薔花北白薔南

月下過桔柏渡

桔柏渡桔柏今朝急相見
我馬信然瘖山郵詎云戀
况沿江岸來鎮與明流眷
巴人牽網能越客撐篙便
澹魄會將圓環轡略可眇
白水下嘉陵灣回中出縣
縣令待沙頭張燈覲初面
鄉音聞浙西野次一笑忤

天雄關見常紀題壁詩

錄七絕一首江曲真成字似之牛頭
溪峯上來遊於懷今古無窮思問著

山僧總不知常紀崇慶州知州
奉天承德人被水果木之難

常君通籍本留都言貌居平似腐儒突見牛頭詩灑落直教
馬上淚模糊金曾已逼捐生竟玉骨難尋返葬無心事山僧
應不解招魂萬里仗巴巫

劍門

佳園孔道新

明天啟四年開此路立石題孔道新開土人乃稱其地爲孔道新

樹石四峰括卵石融結

奇巖崖愛難割

木橋復石橋左右泉活活蚬蝶花紫翩菖蒲

葉青拔于凹

有盤紆于凸無滑澁高廟踢脊見大小劍輻輳

大者崇墉連隕然

中斷豁爰下七里坡樹石益清脫磴坦赤

欄扶林濃畫眉聒

適爲佳園行遂以險徑達奇哉卵石團層

疊少廻幹翕張及

關南千里氣斯闕我今語劍門在險皆抹

搬據蜀險必憑破

蜀險先奪不獨鑒陰平非徒泥諸葛

劍州蔭路柏歌

劍門關偏柏巔出誌公寺上森六七不知挺特荒寒隅何藉
瑰奇古翠質入關一舍通行衢高低曲直山坡俱大柏樹灣
踈密欲千株輪囷十圍根互絡杈枒百尺柯交扶疊疊平石
柏下鋪泉峰映帶雲霑濡石洞溝來斷不斷講書臺去無處
無乃知廣西李壁劍州守正德年間種斯有侯之治行明代
最只如種柏堪不朽閬州以西梓潼南數十萬株夫豈偶劍
州土石本自佳土黃且厚時緣崖巨石歸崎小磊砢柏生其
間一莓苔柏身擁石石蔭柏柏陰成衙如柳槐爨火斧斤雷
雹劫葛藤榛莽風烟排我行廣西全州嘗見松蔭路百二十
里不知數此松種自楚馬殷補種後人極培護又聞路翠與
路青元說武連種松樹劍州柏全州松鄉人之福我民福夏

陰不薄冬陰濃三百里蒼天下罕豈惟行路太息爲敬恭

郭武連

栽松碑云縣路聚武連貴縣路青武連榮

武連驛午睡

燕壘萬山圍山郵自袂衣路長行處倦晝寢覺來非天外巴江字林間杜宇歸赤闌干一曲垂柳不陰稀

過上亭舖是郎當驛成二絕句

雨點吹來閣道長鈴聲未免碎丁當已知舞袖郎當甚鮑老何煩笑郭郎長安歸去也郎當蜀道鈴聲且自長昨夜興元西畔月一株梨樹佛前堂

七曲山謁梓潼神

童年曉就塾輒令拜文昌謂是梓潼神實司鄉會場天下父

母心能不貧賤傷書餅充忽忽豚蹄祝俛俛小子捷泥金二
人痛終堂獲罪必於天罰遲孰主張今來梓潼縣祠下猶彷彿
羣山入劍門二百里舒長萃此山脈秀鬱然山頭蒼盤陀
石如磨肖像踞胡牀檐端晉朝柏一榮一枯僵八州開地勢
萬仞融天光山水曲乃成田疇平且良昌昌以文明爾爾無
隱藏鴻生舉漢經萌芽比言揚進士復試廷昉隋盛則唐三
塲肇延祐四書遵紫陽元宗誕降夕文昌炯星芒學宮享孔
孟生員業文章能者科所取取之行或妨易曰餘慶殃書曰
百祥殃上帝稽世德顯道從時王爾室善淫際大廷刑賞常
分職宜有神古禮蓋未詳香火遍區中發跡在蜀疆列宿况
上應斗魁先戴筐遺文據張亞小說夸姚萇此仙托符籙俗
流未渠央凡事必神寓凡神必靈翔維天昌斯文曷不神無

方

發梓潼

日出光騰躍山趨氣展舒掃場收麥後堰水插秧初烏犢三家雨黃雞八月廬巴西西更好第一鱸魴魚

題魏城驛舍芭蕉

襄漢路斯近長安城不遙雙飛下梁燕十樹蔽庭蕉風色白

團扇水聲金帶橋淳熙有文字望古未蕭寥魏城廢縣也宋淳熙庚子承議郎知魏城

縣事尹商彥魏城縣建通濟橋記云大溪深二十尺廣六倍今溪狹碑猶立宿莽中大字記與書俱佳驛之金帶橋即其處

晚至舊縣州

急雨收還灑長虹挂獨明縣山自駢抱涪水太縱橫蠶熟桑齊翦園荒竹已成羅江來日到廢縣改州城

落鳳坡

君失臣何失高光度未優天如存別駕諸葛自荊州

德陽

收雨開晚照插秧種新田短山黃遞迤深水碧回旋許令僊
風遠姜家孝行偏三吳今四月村好可皆然

彌牟鎮觀八陣圖

并序

舊說在夔者六十有四方陣法也在彌牟者一百二十有八
當頭陣法也在碁盤市者二百五十有六下營法也藏過彌
牟按一百二十有八之聚石爲魁今諸葛廟前東西相對周
凡四百七十二步乃知假六十四卦以結陣而彌牟則兩六
十四卦也特其所以變化或不傳孰謂兵非詭道哉觀廟碑
都不及此

八物陰陽錯重生造化周易家藏變五兵法借權籌方位圖

書壁儲胥伍兩脩惜於忠武托震若鬼神俾白帝城荒壘基
盤市僻陬維公遺故蹟其一在彌牟峙土排魁整成行聚礫
稠東西皆八八缺沒半悠悠陣結三軍示儀分六子儔風雷
隨步伐奇正協剛柔萬里神乎卦孤心帝者劉非惟愚彼敵
是用善吾謀逃聽紆雲棧先聲叱木牛中原天必復危急歲
何秋廟外弓羸畝林陽岸偏溝于夔揣方陣此地屬當頭韜
略餘形迹兒童少踐蹂四門兼二首百計亦千愁入蜀淒涼
漢臨江肸蠭侯常山蛇勢比上智任相求

至成都館于貢院

錯道宣華院裏來
茱萸紅白落蒼苔
摩訶一曲春流淺
曾見耽書蜀秀才

謁江濱廟

岷山夏后導曰維百谷王昭靈以廣源瀆長于南方丕丕
列聖基道洽求今

皇涵濡我萬物

康熙四十二年
賜御書額曰涵濡萬物

東會其昌昌九霄開

壽辰一誠致

御香獻官具展儀

天貺行肅將孟夏海榴紅前榮山柏蒼歷階敦所習所禱申
無疆

浣花溪

出郭之澄江我遊誰主人豈無八九家何許南北鄰昨經杜
中里暫見城南春皆公別後憶莫得歸相親圓荷復細麥悵
悵值茲辰王粲與揚雄爾爾非其倫送詩多所覓枉駕亦有
賓碧色門向灘急流市近津西枝村不置吏隱再托身奈何

草屋賃仍使讓西新蜀相祠自古公來名益振溪今並天壤
花飛蜀卽秦

草堂寺與查按察禮飲

杜陵與少陵稱地每相托卜鄰草堂寺乃更草堂作將老果
斯遊况君以酬酢竹烟江外梢榴火佛前夢從戎勦金川守
險駐美諾力於猛固橋誰謂儒生弱旣聞闢新路實藉佐雄
略

聖鑒錫恩殊繇來勵勤恪我今海棠後念昔丁香落百年復
幾何金瓊但同嚼晚愁潭不住春夢花無着翰墨可言勲寧
須上麟閣

慰忠祠

木果木軍劫兩金川背恩維忠死于事有彥及吾門栗主千

秋淚刀州萬里魂拜瞻青史輩嘗共夜堂尊

常君純丁丑進士孫君維龍庚辰進士皆

載充同考官所得士趙公文哲與公瑣皆與載友善

謁漢惠陵

臣僕操權已陸梁將軍載主獨蒼茫荆州不襲秭歸返高祖
重苻王業昌賽社雞豚三蜀儉參天竹樹一垓荒直須廟廡
先諸葛增配關張馬趙黃

泛舟錦江

相留作嘉會相邀出華陽心在海棠樓身過碧雞坊雙流愛
江流迴風蕩晴光此水下揚州萬里鄰吾鄉錦官住何許錦
院機幾張有井訪薛濤有岸穿修篁翠陰森自合午景高爲
涼且緩送邨筒汲之冽可嘗濯錦旣以鮮製牋復以香行行
扣蘭楫聊試吳歛長

出漢州

金雁橋邊驛白魚
河外沙稻秧過朝
雨笋竹接村家犢
犢鞭麾尾葵榴餉
戴花西湖湖已塞
百頃綠蒹葭

林坎鎮

沃野行初盡高坡已夕曛
踈踈村擁竹澹澹嶺收雲
白馬關名舊金山郡地分
桃花溪裏岸實有鳳雛墳

出新縣州是舊羅江縣

果是羅紋水江迴絕可憐
青苗近畦見黃土外山連
篁竹時村落潺亭老石泉
雞鳴橋漸去亦未過炊烟

天際日出望峨眉積雪

大峨中峨耀太陽小峨積
雪連神光普賢只在人間
世却與文殊各道場

縑絲

蠶市風何舊行行近左縣縑絲當店口曬繭在街邊梅子枇杷摘燕兒蝴蝶翩祗應喚江曲六柱上吳船

打麥

來見燒畬處歸聞打麥聲竹枝傳作苦江水有栽成畫畫諸州灌畦畦是月耕婦姑勤所獲休養遂其生

漢議郎李先生祠堂址

石馬地數弓水草廟一椽拓爲議郎祠明之嘉靖年議郎甘飲鵠公孫恥作緣秉德貞乃節艱哉亂世賢石闕無脣蹟翠微荒曉烟尙書金獻民詩記苔花鐫縣人急科目梓潼祠則虔貌是孔門徒不知有道阡

宿郎當驛

晉代柏蒼蒼斜陽過吉陽馬雖輸欵段鈴亦任郎當不醉身
猶健無眠夜豈長百年穹壤內觸撥總難忘

出劍門

雲飛石疊曉巖巉豁斷蒙籠綠樹間萬里來遊草堂寺雙旌
歸度劍門關憑誰力盡終能守使我心煩莫可芟何事天公
大遊戲削爲城郭詡孱顏

誌公寺

破寺不可入亂堆雲自低因緣盡江左爪髮或巴西大劍山
落月姜維城絕蹊門關蒼柏頂佛聽野猿啼

牛頭山

牛頭山見北村低隱隱炊烟叫午雞安石榴花紅瑪瑙嘉陵
江水碧玻瓈

千佛崖用刻石元至元三年僉西蜀四川道肅政

廣訪司察罕不花題韻

石鼓巖青敞列楹莊嚴相好幻無生雲根未辨隋唐鑿江口

初經隴蜀行御史名留春薛老詩人心在水風清憑誰傳語

新城去員外龍門閣又更唐之鑿佛相傳唐韋抗今崖上亞中大夫保寧

神宗時鄭振先句曾開隋唐同過隙則不定是唐鑿也又元鮮于圭御史題名記

高不可辨元明人題句至多本朝王文簡入蜀謂所過龍洞背即少陵詩之

朝天嶺

蜀人朝天程出入前後峽前來夾大山後去山大夾雖非歸

州匹頗亦利州甲所虞棧閣傾非特波濤狎後人改於嶺嶺

行何高高其後峻無險其前坦不勞翠雲堆巨石好樹風周

遭園林有如斯亦足散鬱陶

七盤嶺

昨來七盤山雄雄雞頭關今行七盤嶺七盤卽五盤少陵昔
此道棧閣猶云艱逶迤五折瞰忼悵千年還蜀之北門是高
有連峯環斗城四扇閉角吹三更開南北照明月戍卒居其
間馬憐坪陡入偃仄山屨顏隘穿復盤上蜀險在秦山千層
崖斬絕一線溝潺湲

宿黃壩

三更好夢難萬里新愁獨杜甫祠前江薛濤井上竹

分水嶺

相隔自淙淙東西不得雙北穿五丁峽南入嘉陵江清瑤流
可愛碧玉無憊回道有終合所思非異邦

五丁峽歌

來爲順峽行歸作逆峽歌謂之曰峽以狹勝山峽水峽遑知
他初過浣石鋪將上滴水巖峰連峰夾青巉巉峰身樹交綠
不芟懸泉一滴滴石潭左巖危壓攀停驂其上諸水滙出罅
其前一澗明趨南遂循上水穿竹樹水左水右隨石注旋高
稍展密更蒙屢折仍深寒欲煦鳥聲獨啞飛何枝仙草徧生
香此路中間踈朗若平澹盤崖赴壑乃類險赤欄扶橋幽入
坎倒流鳴溪風急颭蒼峯巨巖狹且嵌峯陰成塞樹成閭巖
如覆屋屋如广洞不可測龍蟄默天光一線照窮覽金牛古
道誰手題洞雲溪月何端倪洞刻金牛古道四大字又洞雲溪月四大字縱然鑿廣漢司
隸五丁所開誠無稽人言峽中旣苦石又患水我謂患水或
有之苦石恐無是高巖如城上無雲大石如雲下有穴回灣
如磬泉丁東對聳如門峯旣嶢秦坤蜀艮此其道造物警策

於發收峽前幽絕後奇絕故知後之脈絡維梁州
蟠冢汚淥紛蚰蟥

大安驛

寂寥大安驛莽蒼大安軍明日湘纍弔晚山
鵲鳥聞葭萌關亦廢蟠冢水初分回首金牛道
長天橫片雲

褒城

西逐漢江聲山光入縣城孫樵驛壁記王遠石門名
碧野雞遙唱連雲棧始行蜀葵花總好未免有離情

擇石齋詩集卷第四十四

秀水 錢 載 坤

度雞頭關連日歷舊閣道處得詩五首

雞幘可云險蜀行蓋未經盤盤磴道仄高高山骨青箕山偏
幽阻褒谷插深冥浸根一線水聲響莫得聽奈何石門塞邈
然歐陽銘無路以成路盤下尤伶俚昨來春已夏無一花松
惺今過夏已仲寒氣如霜零蹢躅咎我老是用煩興丁遑問
丙穴魚及麓心神寧

架梁鑿石跡目炫方方看今者土石礪不如古所難奔濤逆

我來萬古響水灘棧名盤龍塢既出石龍灣已闌依然堡子鋪

山迴人家安片片石無根飛石崖飛石崖等嶺名嶺巔稍前觀音塢

不作閻王觀黑龍江聲壯四塞峯青攢架雲可半里雲翠堆

琅玕

架雲亦棧名

青橋且逍遙吾豈忘朝食

青橋一名逍遙

峯身樹叢綠樹頂

石太寒延江偶山脚險越苦屢千鑿之凹乃跨下上如馬鞍

馬道驛西有蓋皆雲棧端

樊橋何佺佺寒溪亦深深孤雲與兩角聞猶祀淮陰

孤雲山與兩角山相連其上石刻云漢相國何進諡信處淮陰侯廟在焉

茲忘古今乃上虎頭關詰曲褒水暗蒼崑疊高危夏綠蒙幽

森泉懸峯四塞上天橋迴臨武曲遙見屋火燒礪慘慘碧綃

明穀紋石梯倚翠岑上梯壑漏日下梯泉盈襟

燕巢子巢玉上天橋武曲橋火燒礪

已過愈勝遑重尋道于右峯下左峯偏欲侵前後峯屢轉水

聲接風林

武休關下水西北仇池通褒水太白來入與棧始終武關水

聲接風林

武休關下水西北仇池通褒水太白來入與棧始終武關水

合之曲出石泉東斜谷水自北亦流于褒中諸山黃草山棧
左青叢叢連高復夾深岸峭憑于嶺萬樹覆其上竊然清氣
充草樹有雜香畫眉聲則同冷水又寒溪會褒南淝淝奈何
將出漢溝黑箕山童

連雲武關半已別臘魚潭

名

武關既踈曠午景亦未炎逆流

緣峭岸曲水抱重嵐迭過馬鞍橋樹石前逾快青龍寺蹊蹠
青羊橋趨趨偈入無路處大山溪盡探去時攬未了歸來趣
稍諳雞頭關以北畫眉關以南褒中棧之勝樹石泉峯兼其
上褒谷頓又上斜谷峴南口達北口連連雲步參褒斜行未
遍聊以最勝拈

題柴關嶺連理樹

枝峯蔓壑夏陰敷小立紅亭日未晡秦嶺蜀江人萬里一枝

連理見來無

青桐樹也一根挺雙柯直上二十尺許交枝連理復挺雙柯直上可四十尺

心紅峽

樹石泉峯最吾將游太初嶄然列青壁未見有匡廬山水可

言性靈明不在書盤陀老苔蘚清樾鎮相於

二里關下觀族祖施南公刻石

王道坦平四大字雍正十二年甲寅七月知寶雞縣

事鹽官錢界題

萬里歸來立馬看益門崖石自鹽官遺民白髮他州徧先壟

青山半宅寒

永安湖之山葬近先塋貧無半宅

隴首秋雲巴子曲滕王高閣楚江

闌兒時相器今相感徧路安驅老不難

馬嵬二首

謫墮塵寰那再言春風花蝶劇飛翻丙申六月維丁酉四盼

君王已割恩

密令移葬失西東大海蓬壺總是空不及興平坡卅里縣人

長記太真宮

李益過馬嵬詩路至坡垣問然者顧予云是太真宮今坡前立坊猶題曰太真宮

孝經臺

天寶四載秋石臺甫畢功遂奉兩本獻光順門墮隴聖文神

武帝訓注垂無窮

國子祭酒李齊古表開元天寶聖文神武皇帝陛下

御翰南山壽睿詞北極

崇唐之國子監實惟今學宮開成石經在石刻唐宋充環列

庭左右孝經立之中四石合而方華蓋以隆隆唐遺見猶僅

質樸擅乃工摩挲三歎息至德何昭融開元元年冬講武驪

山雄二年如溫湯亦不歲歲同歷年三十五華清照新豐天寶末歲

十月廣溫泉宮為華清宮

敬哉茲臺建展義克有終

灞橋二首

白鹿原開曉黛滋看花幾輩好春時水邊楊柳婆娑甚自笑

行人兩髻絲

相逢相別漫相憑到眼風光感不勝長樂坡連人割麥唐家
諸后舊園陵

登驪山

寶坊大地陽春勝

仁廟西巡駐天仗

御湯

賜與百姓同秦漢隋唐跡無兩使臣豈訪唐華清當年聞說
求長生年年十月貴妃五家劍南旌節盛從幸觀風講武按
歌鬪雞舞馬繡嶺東西橫十六長湯暖大小毬塲平老子太
上興不淺羯鼓樓前玉像明津陽門今在何處縣門北向臨
潼城繚垣半曲細草亂古柏萬株高烟晴朝元閣已更惟有

金精在

老子像云是太白谷中玉石所琢天寶金星之精

雕琢擅良工流傳信真宰星辰湯

不改復出海棠湯依然一闕香詞讀石上青苔照夕陽

坡下近後掘出

海棠湯金僕散汝獨風流子詞石猶砌湯上

新豐原

靈臺諸山翠北下爲高原蜿蜒可卅里零口連坳墩東原草
織被西原樹綠繁于中出潛水其西有瀑園四峯合飛泉寂
寞泉潺湲水行且達渭小縣城開門下邽我所思蓮勺故不
存寇家普照寺白氏紫蘭村

齊雲樓

銀漢無聲此夜寒長安何處望長安紇干山雀飛來苦菩薩
蠻詞唱出難

鄭桓公墓

古鄭漢弘農司徒世靖共從遷自新邑葬考在初封草碧如
芟棘林荒盡補松緇衣風不遠適館授從容

西岳廟題名

華嶽題名者其入五百一歐陽集亦偶治亂已心怵開元迄
清泰身世證凶吉世間山骨青不枉掃苔筆雁塔遍題名進
士聞唐年宋僧塗墍後剗壁愛復傳刻于塔西南字好稱爛
然石磨付小劫廢院鋪春烟岳廟搜斷缺題者乃數百明元
金宋唐碑陰并漢迹豈惟祠岳虔遊宦或從役俄頃諸古先
笑言同几席題名重當日書法首魯公我行佳山水手揚篋
屢充慨然千秋名常遇寂寞中金石信多壽何知斜照紅

楊太尉墓

改葬潼亭近來翔大鳥悲里中夫子教朝石孝安時直僅傳

三疏清猶見四知荒烟今七塚定失耐孫碑

自蜀道回復過韓侯嶺感成六首

咸陽春草曉如暉馬道寒溪夜自分碌碌人間刀筆吏給君

入賀本追君

長安人謂予長樂鍾室之地年年生紅草一片寒溪出馬道西東與褒谷水合俟亡至溪一夜盛漲不得渡蕭何乃追及

高祖初心蜀已違留侯晚計蜀如歸避於所棄誰相偪躡足

眞王合悔非

獨憑靈石賽如神自出陳倉跡未湮等是東阿今日縣青山

不葬魯公身

只此登壇大將旗萬家守塚乃成悲故鄉尙有淮陰水落日

應尋漂母祠

盈野盈城殺氣腥請從孟氏授遺經不緣看盡孫吳輩善戰

焉知服上刑

萬壘紛蟠一翠螺橫開太岳下汾河土門百里重重隘險絕
韓侯意若何

趙北口作二首

紅橋綠水曉光濃行殿風楊掃蓼茸好似白沙堤上望別
來南北兩高峰

西冷東畔讀書人黃相漁磯近作隣三十五年紅芍藥裏湖
看雨丙寅春

濠梁驛

降香江濱返連涉濟河淮河復復如舊淮清清自佳民安惟
帝賴

聖敬與天諧楊柳人家外秋颼颼著淮

懷婦病

秦蜀萬里歸豈知病在牀仲春我奉使君健爲飭裝病由清
明始是日至平陽飄飄十旬逾乃未得康強還京趨雁塞復
命觀 山莊尋被

主恩深江南典試行暑雨旣連宵藥爐朝不涼有兒兒有婦
萬事宜周詳我身日以遠我心日以長莫知死與生音書墮
渺茫典試迴避飛家書不得接前題濟南送君返從此安其鄉京邸十七冬累君
薄衣裳謂予當復來復來理所當兒若進士成兒婦同北航
君言幸而中去冬犯冰霜更攜女孫嫁仍住宣南坊同庚七
十三辛苦輒難忘不知死與生向天獨慨慷燕山自青青淮
水何湯湯相思重相見相別猶相望七月歲庚子徘徊賦此
章二十有三日迢遙過舟梁此際君晚飯趙婆數呼將無煩
念我行後日滁州疆作此時時夫人之歿已十有一日辛丑注

醉翁亭

郭外風香荷葉浦山中雨熟稻花田
泠泠如動醉翁操落落重聞三兩絃
補種老梅生碧蘚移來大石對荒泉
聖人好句題遺像留與滁州在必傳

題江驛

鵲聲纔聽浣花舟驥尾眞爲秉燭遊
十六年還尋浦口萬餘里却到江頭
吳宮晉代鍾山色漢寢唐陵渭水流
一種人間官柳樹不論長短總關愁

渡江

江浦縣邊江色秋江神祭後放江舟
青山隱隱雲生際白髮蕭蕭雪滿頭
信有南朝盛文物始於東晉太風流
月寒天迥星光爛惆悵曾登試院樓

秣陵

秣陵楊柳不勝攀數盡歸鴉落照閒蠟屐唾壺紛士女投鞭
麾扇此江山終南涇渭消磨劇三代唐虞闕略還合遣端憂
庾開府渺然家國但衰顏

江城二首

江城涼雨濕涼花鐘鼓樓高山脈斜行過內橋多所憶宣陽
門啟是誰家

秦淮相見問青溪水自通江柳拂堤朱雀航東桃葉渡板橋
南又夕陽西

館朝天宮道士院

東齋自閉關孤坐寂寥間佛手柑堆殘仙人鑑照顏白楊驪
騎墓秋草冶城山盡日聽多雨無風拂更還

九月八日聞張夫人訃

棘院斷家書，揭曉甫得知。外堂乃後齋，一哀此涕洟。舊門適中落，賴君實肩茲。居常豈不感，瞬霎已徒悲。蹉跎百年計，刺促一世爲。寒食君病日，我行過平陽。七月君歿日，我行次高唐。九月君耗至，我猶在建康。不知醫不庸，不知藥不良。君幽我暫明，報君以永傷。

宿攝山夜月步至德雲庵前坐松下二首

戴編修名均元邀爲山遊

遠景捨後湖，勝侶強茲遊。瞰江最高峯，啜茗幽居幽。我心嬾于僧，并不與僧求。衆壑流活活，層崖木搜搜。東西濕翠間，千佛知所留。

一榻靜鳴泉，半檐涼出月。篁深下曲坡，萬影非恍惚。庵扉向山閉，我自松根歇。天光踈不籟，諸峯短突兀。已忘江外身，亦

暫離城闕

秋草

秋草萋萋更綠鰥魚夜不眠無燈照孤館有夢落遙天淮莫黃
河入江元大海連山風何激切頂髮倍蕭然

除夕奠內五首

老攜 賜果出東華獨樹軒中慰藉加我是黔婁偏後死紙
窗風急燂燂燈花

不知在北與歸南長大諸雛兩地諳樓上故房房後竈旅人

門戶累君堪

紀丁卯夏北行至巴卯夏夫人始來京十
二年之別中間甲戌秋假歸營先夫人葬

重來去臘自江鄉秦蜀歸看已臥床秋雨平階方屬纊南行

是日次高唐

辛苦從夫那得甘同庚七十已過三同過七十君差長生日

春秋在濟南

夫人生于戊子正月二日
余生于戊子九月八日

和淚浚卮薦影前與君同穴是何年不成死別成生別今夜
人間獨黯然

辛丑

恭和

御製茶宴內廷諸臣翰林等題快雪堂帖聯句并成二律元
韻

穀日

祈年穀應符詰晨朶殿集仙儒

壽開八秩春增麗 宴號三清道本腴雪甲汎甌聆管籥瑤

林聯珮奉 都俞我

皇恭儉還慈惠歲歲 恩光歲例夫

堂名孟頫采于宮風色時晴恰轉東石本佳猶涿州補奎章
高豈右軍同吟分鷺序茵相接坐對鼇山曲未終何取紀
小蒼璧穆然澹泊見淵衷

恭和

御製春仲經筵元韻

講學今瞻

大成聖集賢春侍列仙裾乾能美利還陳矩進講大學此之謂絮矩之道周易文言能

以義利利天下不言所利宰有民人且讀書以歲

省方猶志闕御製詩曰南巡去歲經筵闕惟文載道豈耽居緝熙敬止

皇心見始憶顏淵曰舜予

恭和

御製經筵畢文淵閣賜茶作元韻

早春閣外雪花集初日
殿頭磚影移茗葉靜香
恩始

八楞材榮濕老應遲近加

聖謨中宵感常切官箴未路私校理
秘文潑湛露成編敢

後十年期
臣蒙恩總閱四庫書

上已朱學使筠初自閩還偕過法源寺歸飲其宅

得詩二首

隣寺稀來幾度春春花應記白頭人
棠梨隔院紅猶欠槐柳
遮牆綠已真細聽武夷輕櫂語健扶
華岳瘦筇身閒時得見
須尋樂不獨風光爲禊辰

子弟莘莘入品題金昆玉友屋東
西藏書地小周旋劇種樹
年多長養齊樺燭出欄成酒事
草橋流水問詩蹤
憶甲午修復處
漫因

棘院趨承近官裏心催報曙雞

上巳後二日蔣侍郎招集北臺看桃花諸公約賦

詩藏以承

命知貢舉明日入闈補作於西齋

二首

春本無愁客自愁春長春短豈知由園桃風色扶雕檻堤柳
湖光昉雉樓三十年來青鬢改管絃聲裏夕陽流稀疎舊雨
成今雨落托前遊付後遊

人間容易是斜陽檀板何勞勸玉觴惆悵依然伴春住慙慙
聊且爲花忙第四句用定陶大
宗伯先成之句紛紛寒食烟齊禁渺渺江南草獨
芳不信子歸屬之子全憑太乙有東皇

試院小雨

辛苦三場試懽忻十日晴東風濕微雨曉靄靜高城著物先

花藥隨天遍麥萌 青旂回晉野膏澤稱
皇情

與施侍御學濂沈侍御琳兩監試談江鄉春事

南宮賞雨勸添衣話到江鄉樂事稀曉艇錢塘湖打網

施侍御抗人

夜燈濮院鎮鳴機

沈侍御所家

離根水浸野薺白陌上絲橫胡蝶飛

九十九峯春已老子規猶道不如歸

先人南舍在汲浦

試院畫杏花

惜花天著畫花人卻爲誰家點筆新丹鳳樓東初日色曲江
亭上少年春文章有格殊凡艷風雨無端豈徇因折取一枝
留亦得漫加朱粉任天真

閨中作

一世追思忍復云東城燈下雨聲聞詩書門第深憂我柴米

夫妻獨累君

宋詩有云
柴米夫妻

報德未伸兒女力榮封徒貯鳳鸞文涼

秋靈櫬還鄉里萬古新松爲起墳

自題畫墨花至公堂西齋

靡得滔滔孟夏臨畫梁哺鵲睡蛇侵嬾舒抹月批風手粗費
鉤花點葉心觀象臺高通院肅聚奎堂寂隔門潑川紅坐與
城南憶勒住春寒十日陰

憶檀藥草堂前海棠花

去年行役及春陽萬里幾于見海棠老卻成都子規鳥空來
四月碧雞坊孤吟莫得徵花譜舊會端宜屬草堂咫尺相公
鮮銅萼明朝放榜待飛觴

憶蔣侍郎家紫藤花

見君十幾歲時栽三十年多滿院開壓架流蘇萬纓絡飄茵

紺雪一莓苔

先朝賜宅憑歡醉落日聽歌未擬回不獨馮家海棠好成團
蝴蝶北城來

擬出貢院後種菊于花塢書堂

不住澄懷近兩年馬蹄二萬里羸車中間已作無妻老瞬息
都關有命天且要秋花籠錦石仍妨夏雨疊苔錢袂衣補綻
憑誰手當日山籬斷爨烟

送陳郎中朗出守撫州

同郡同朝我更迂頻年行役欠相於解元早有春風筆比部
今來竹使符一晏二王三陸地人心風俗紀綱圖登高靈谷
山頭酒卻老萸囊肯寄無

送夫人靈柩至張家灣登舟

行行國東出八月曉星闌君是鄉園返吾非夢寐看船檣自
風正灣水未宵寒已辨藏千古休令感萬端

九日集獨往園相國有詩次其韻

老矣難勝髡髮涼相催相喚作重陽年年徑蘚秋逾碧采采
離花晚獨黃高興祇應蒙一笑淡情猶欲勸千觴海菜自是
檀藥樹兩隔春風憶醉場

原倡落句誰知詩老豪猶甘預判繁紅而
一場注云余家海菜爲米見者二年矣

蘇石齋詩集卷第十四